



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 54. Novi tumultus ex Juliacensis Ducis obitu exorti.

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

Sæc. XVII. Bohemorum tumultu Viennæ commo-
 A. C. 1609. ratus fuisset: En præclarum Luthera-
 næ mansuetudinis specimen! sed atro-
 ciora paulopost audiemus.

§. LIV.

*Novi Tumultus ex Juliacensis Ducis
obitu exorti.*

Merc. annal. **D**um hæc interim in Bohemia gere-
tom. 6. l. 3. bantur, nova dissidiorum sementis
Julii Mont. exstitit mors Joannis Guilielmi Julia-
discurs. de censis Ducis, qui sine prole mascula die
success. Jul. vigesima quinta Martii sexennio major
Investit. septuagenario extinctus est. Frequense-
Carol. V. rat de successione contententium nume-
ann. 1543. rus, ex quibus affinitatis jure proximio-
 res, causa etiam eminere videbantur,
 Wolfgangus Neoburgi Dux & Joannes
 Sigismundus Elector Brandenburgicus;
 cum enim Cæsareæ investituræ legibus
 cautum esset, ut deficientibus masculis
 conjugis Filix, iis vero mortuis super-
 stites hæredes masculi succederent, &
 Neoburgicus ex secundo genita Guiliel-
 mi Ducis filia adhuc superstite, Bran-
 deburgicus vero ex primogenita, sed
 jam defuncta natus esset, ceteri autem
 Competitores, Gonzaga Nivernius, &
 Joannes Bipontinus Duces, Henricus
 Bullionensis, Ernestus de Manderfeld
 necnon Burgoviæ Marchio vel nonnulli
 remo-

remotiores ex fororibus defuncti Ducis Nepotes essent, vel duntaxat agnationis jus allegarent, hinc primo Brandeburgici Legatus harum regionum possessionem accepit, postea Neoburgicus die quinta Aprilis advolans, cum se jam præventum cerneret, in arce Benradia substitit, donec juris via in quodam conventu controversia dirimeretur, interim vero jus suum edito diplomate prosecutus est. Ex adverso Saxonæ Elector hunc Ducatum sibi a Friderico & Maximiliano Imperatoribus propter expensas in bello Hungarico & Flandrico factas donatum asserabat. Hæc omnia, cum controversa essent juris, ad Rudolphum Imperatorem spectabat, feudorum possessionem tamdiu detinere, donec discussa causa de certo jure decisum fuisset: eapropter hic missis ad Consiliarios Julienses literis, ut cum relicta defuncti Ducis Vidua Rempublicam administrarent, neutramque partem in possessionem ante certi juris cognitionem admitterent, serio imperabat, publicato etiam die decima quarta Maji edicto, quo omnes, ut a vi abstinerent, hortatus, eos, quibus ad Ducatum jus competeret, ad Judicium Aulicam vocabat. Hanc in rem Cæsar Leopoldum Ferdinandi II. Fratrem Archiducem, Argentinensem & Passaviensem

Sæc. XVII.
A. C. 1609.

Sæc. XVII. sem Episcopum tanquam Cæsaris Pro-
A. C. 1609. curatorem Juliacum decrevit, qui us-
 que dum controversia componeretur,
 sequestrum ageret: Verum A catholici
 Principes, qui se *Correspondentes* nomi-
 nabant, nec Cæsari, nec ejus Delegato
 Leopoldo Archiduci quicquam desere-
 bant, sed suæ sectæ Principes præter
 juris Ordinem, & Cæsaris mandata ad
 Ducatus possessionem admitti postula-
 bant. Horum igitur subsidio suffulti
 Neoburgensis ac Brandenburgicus, qui-
 libet pro parte sua Ducatum invadere,
 ac Leopoldum hostili manu aggredi, il-
 lumque ex parte ditionis, atque ex ipsa
 arce Juliacensi, nomine Cæsaris reten-
 ta, ejicere præsumperunt: quinimo
 Brandenburgici & Neoburgenses, per-
 inde ac si ipsis solis certum jus patroci-
 naretur, de componendo inter se hoc
 negotio Homburgi, arbitro Mauritio
 Hassiæ Duce, egerunt, dumque nihil
 proficerent, novum Conventum Tre-
 moniæ die trigesima prima Maji celebra-
 runt, ubi inter eos die vigesima Junii
 decretum, ut communi nomine inter-
 rim hanc ditionem administrarent, sub-
 ditisque in fidem acceptis omnia com-
 muni consilio, usque dum omnis con-
 troversia fuisset decisa, agerent, salvo
 tamen reliquorum contendentium jure.
 His ita constitutis Principes Düsseldorf-
 pium

Sæc. XVII.
 A. C. 1609.

pium profecti in urbem, civium militum-
 que auro corruptorum opera, intromissi
 sunt, Provinciæ comitia postmodum
 Düsseldorfii celebraturi: reclamabant
 veteres Consilarii, oblectabatur etiam
 Cæsar, prævaluit tamen debiti obsequii
 legibus præfracta dominandi libido:
 Nihilominus Imperator, ne suo deesset
 muneri, die decima tertia Julii edictum
 affigi-jussit, quo rursus Leopoldum Cæ-
 sareæ Majestatis, ut vocant, Commis-
 sarium declarans, privatam, violentam-
 que Ducatus possessionem cunctis Com-
 petitoribus inhibuit: attamen Neobur-
 gensis ac Brandenburgicus decima die
 Mensis Augusti datis ad Cæsarem liti-
 ris ab omnibus sub Cæsareæ Commis-
 sionis obtentu attentandis ad Electo-
 rum & Imperii Principum tribunal pro-
 vocabant, pro more suo verbis conte-
 stantes, quod nullum jus Cæsareæ Ma-
 jestati præripere, vel quicquam ad de-
 spectum vel imminutionem auctoritatis
 fluxæ attentare, Juliensis ditionis inva-
 sione intendant, postulent tamen, ut Cæ-
 sar edicta adversus eorum jus affixa revo-
 care, ipsosque in possessione conservare,
 reliquis vero Competitoribus indicta
 multa, perpetuoque silentio, mandare
 velit, ut se tranquillos usque ad litis
 finem contineant. Ea agendi ratio ni-
 mium audax videbatur, ut eam omnino
 dissi-

Sæc. XVII. diffimulare posset Leopoldus Archidux,
 A. C. 1609. qui mox promulgato edicto ad horum
 provocationem respondens, jus Cæsaris
 utpote supremi Judicis ac feudi Domini
 graviter læsum quærebatur, præcipue
 cum Cæsar jam ante Ducis obitum ad
 ipsius, ejusque Patris preces hujus Du-
 catus curam, & administrationem ges-
 sisset, consentientibus omnium Ordi-
 num Statibus, proin nupera hæc Du-
 catus, utpote nullo modo vacantis, pos-
 sessio violentæ usurpationis crimen re-
 doleat, aliunde vero communis juris
 esset, ut ubi inter diversos hæredes al-
 ter alterum excludere nititur, iudex
 Ordinarius, nedum Majestas Cæsarea
 propter metum armorum & futuri tu-
 multus, possessionem ex officio deneget,
 donec in judicio lis definiatur: Verum
 insuperhabitis his præter Brandeburgi-
 cum Neoburgicus assumpto Solmensi
 Comite loca fere omnia Juliæ Ducatus
 perlustrat, sumptoque a subditis
 fidelitatis sacramento possessionem adit,
 Belgarum foederatorum ope, necnon
 Franciæ Regis promisso suffultus. Hic
 enim Brandeburgici & Neoburgensis
 Oratoribus, qui ineunte Mense Septem-
 bri in Franciam profecti sunt, promil-
 sum utrique militum numerum auxit,
 exercitumque ad Geldriæ fines urgente
 ita necessitate destinatum tenuit. Vi-
 cillim

ciffim vero Leopoldus facta exercitus Sæc. XVII.
A. C. 1609.
 sui recensione die vigesima Octobris
 quamplurimos Piftores ac Zythepfas
 unacum molendinis ad necessariæ susten-
 tationis commodum in urbem introdu-
 xit, arcemque validis munitionibus fir-
 mavit, & Brendenbendam in potesta-
 tem suam accipiens præsidio validiffi-
 mo munivit, militemque a Cognato suo
 Alberto Archiduce in Brabantia & alibi
 dimiffum conscripsit.

§. LV.

*Bellicus utrinque apparatus pro ju-
 rium defensione.*

Haud segniores erant ambo Principes,
 qui pariter habito militum suorum
 delectu alios quidem trajecto Rheno,
 alios alibi in Juliacensem ditionem in-
 vexerunt, ac deliberatione cum Cliviæ
 & Juliaci Ministris habita armis sese &
 militibus, quantum per angustam tem-
 poris moram licuit, instruxerunt, nec
 non munitiones finitimas, pagosque
 & transitus obsedere, promulgato e-
 dicto, vi cujus Ecclesiasticis quidem,
 ne Leopoldo quicquam subsidii con-
 ferrent, reliquis vero, ne se a Leopoldi
 mandatis deterreri paterentur, impe-
 rabant: Huic edicto aliud recta opposi-
 tum Cæsar die vigesima prima Octobris
 pro-